

# **DELEGASJONSREGLEMENT**

**FOR**

**TOKKE KOMMUNE**



**Kommunestyreperioden 2015 - 2019**

Vedteke av Tokke kommunestyre i sak 17/020, 20.06.17.

# INNHALD

Kapittel 1.	Generelle føresegner om delegera avgjerdspekt.....	s 2
Kapittel 2.	Kommunestyret si avgjerdspekt.....	s 4
Kapittel 3.	Delegering til formannskapet.....	s 6
Kapittel 4.	Delegering til administrasjonsutvalet.....	s 6
Kapittel 5.	Delegering til oppvekstutvalet .....	s 7
Kapittel 6.	Delegering til helse og sosialutvalet .....	s 8
Kapittel 7.	Delegering til utviklingsutvalet.....	s 9
Kapittel 8.	Delegering til andre nemnder.....	s 10
Kapittel 9.	Delegering til rådmannen.....	s 11

## **KAP. 1 GENERELLE FØRESEGNER OM DELEGERT AVGJERDSMAKT**

### **§ 1 – 1 Retningslinjer for utøving av delegert avgjerds makt**

Delegerta avgjerds makt skal nyttast i tråd med lov og retningslinjer gjeve av overordna organ, og innan budsjettet sine rammer og føresetnader.

Delegert avgjerds makt kan delegerast vidare på same vilkår om ikkje anna er sagt i dette reglement eller fylgjer av lov.

Kommunestyret delegerer til formannskap og hovudutval. Rådmannen si avgjerds makt er ein vidaredelegasjon frå vedkomande politiske organ.

### **§ 1 – 2 Attendekalling av fullmakter i enkeltsaker - omgjering av vedtak**

Eit overordna organ kan krevje å få lagt fram ei sak som eit underordna organ har til handsaming i medhald av delegert avgjerds makt, og kan gjere om vedtak som er fatta med heimel i delegert mynde, men avgrensa av forvaltningslova § 35.

### **§ 1 – 3 Rett til ikkje å nytte delegert avgjerds makt i einskilde høve**

Når særskilde grunnar ligg føre kan eit organ med avgjerds makt i ei sak, likevel velje å legge saka fram for overordna organ.

### **§ 1 – 4 Prøving av om eit vedtak er lovleg**

Tre eller fleire medlemmer av kommunestyret kan saman bringe alle vedtak som kommunen gjer inn for departementet (ved fylkesmannen) til vurdering om vedtaket er lovleg. Dette gjeld ikkje tilsetting, oppseiing eller avskil – jf kommunelova § 59.

### **§ 1 – 5 Klagenemnd – (jf forvaltningslova kap VI)**

Med mindre særlov fastset noko anna, er formannskapet klageinstans for enkeltvedtak gjort av hovudutval og rådmannen.

Når formannskapet gjer enkeltvedtak som fyrste instans, handsamar kommunestyret ev klager. Medlemmer av formannskapet som var med på å handsame saka er då ugilde i kommunestyret.

### **§ 1 – 6 Klagehandsaming**

Delegert avgjerds mynde femner òg om mynde til å handsame klage som underinstans i medhald av forvaltningslova §33.

Klager på administrative vedtak skal fyrst handsamast av vedkomande hovudutval. Dette gjeld likevel ikkje for klager på enkeltvedtak etter barnehagelova, opplæringslova, pasient- og brukerrettighetslova, helse- og omsorgstjenestelova og sosialtjenestelova der fylkesmannen er klageinstans.

Held hovudutval fast på det administrative vedtaket får klageinstansen klaga til endeleg handsaming.

Klagenemndi bør ikkje overprøve eit hovudutval sitt politiske skjønn når det ikkje er handla i strid med kommunestyret sine føresegner.

### **§ 1 – 7 Rapportering til overordna organ**

Hovudutval avgjer om administrative enkeltvedtak skal vere referatsak i utvalet.

### **§ 1 – 8 Framgangsmåte for å avgjere om ei sak er prinsipiell**

Prinsipielle saker kan ikkje delegerast til rådmannen – jf kommunelova § 23, pkt 4. Ved tvil tek hovudutval stilling til spørsmålet.

**§ 1 – 9 Revisjon av delegasjonsreglementet**

Delegasjonsreglementet skal leggest fram til vurdering for dei politiske organa i løpet av fyrste halvår i kvar kommunestyreperiode.

## **KAP. 2 KOMMUNESTYRET SI AVGJERDSMAKT**

### **§ 2 – 1 Innleiing**

Kommunestyret tek avgjer på vegne av kommunen i alle saker når ikkje anna fylgjer av lov eller delegasjonsvedtak – jf dette reglementet og særskilte vedtak om delegasjon i einskilde høve.

### **§ 2 – 2 Kommunestyret si avgjerdsmyndigheit direkte etter kommunelova**

Kommunestyret sjølv skal ta avgjerd i fylgjande saker:

1. Endring av medlemstalet i kommunestyret (kommunelova § 7-3).
2. Val av formannskap, samt delegering til formannskapet (kl § 8).
3. Val av ordførar og varaordførar, samt delegering til ordførar (kl § 9).
4. Skiping, nedlegging og omorganisering av faste utval og komitear, samt val av medlemmer, leiar og nestleiar av desse organ (kl § 10).
5. Delegering til faste utval og komitear (kl § 10).
6. Opprette styre for kommunale verksemdar (kl § 11).
7. Delegere avgjerdsmyndigheit i hastesaker (kl § 13).
8. Tilsetting av rådmann (kl § 22).
9. Val av arbeidsgjevar sine medlemmer av administrasjonsutvalet samt leiar og nestleiar (kl § 25-2).
10. Retningslinjer for dei tilsette sin møterett i kommunale organ (kl § 26-4).
11. Fullmakt til å inngå og sei opp tariffavtale, samt å gje eller motta kollektiv oppseiing av arbeid (kl § 28).
12. Reglement for saksførehavinga i kommunale organ (kl § 39).
13. Reglement for folkevalde sine rettar til innsyn i saksdokument og saker som er under handsaming (kl § 40-5).
14. Reglement for dekning av folkevalde sine utgifter, økonomiske tap, godtgjersle for utføring av verv samt pensjonsordning for kommunale tillitsvalde (ordførar) (kl §§ 41, 42, 43).
15. Vedta økonomiplan, endringar i økonomiplan, årsbudsjett, låneopptak, innstilling av betaling (kl §§ 44, 45, 50, 56).

### **§ 2 – 3 Andre saker som kommunestyret skal ta avgjerd i.**

1. Skiping av nye og nedlegging av eksisterande kommunale tenestetilbod.
2. Opprette og legge ned faste stillingar.
3. Hovudtrekk i den administrative organisasjonen – etatsstrukturen.
4. Utbyggingsoppgåver og andre overordna planar og tiltak.
5. Overordna personalpolitiske retningslinjer.
6. Kommunestyret er klageinstans for vedtak i administrasjonsutval og formannskap.

## **§ 2 - 4 Saker etter plan- og bygningslova.**

Kommunestyret sjølv avgjer fylgjande saker (lista er ikkje uttømande):

§ 3-3 Ansvar og leiing av arbeidet med kommuneplanleggjing og reguleringsaker.

§ 10: Vedta kommunal planstrategi i løpet av fyrste året etter konstituering.

§ 11: Vedta kommuneplan, kommunedelplanar og reguleringsplanar.

§ 33: Vedta regulativ for gebyr ved handsaming av private reguleringsplanar, delingssøknader, byggeløyve, kontroll, stadfestingar m.m.

## **§ 2 - 5 Saker etter alkohollova.**

Kommunestyret vedtek rusmiddelpolitisk handlingsplan, jf Alkohollova av 2. juni 1989 nr 27 § 1-7d.

## **§ 2 – 6 Andre saker etter særlov som kommunestyret gjer vedtak i.**

Lov av 26. mars 1999 nr 14. Skattelova.

Vedtak om skattesatsar for inntekt - jf § 15-3.

Lov av 10. juni 1977 nr 82 om motorferdsel i utmark.

Vedtak om kommunal føresegn til lova - jf § 5.

Lov av 21. juni 1963 nr 23. Veglova.

Vedtak om å byggje, taka opp eller å leggje ned kommunal veg - jf §§ 5-7.

Lov av 6. juni 1975 nr 29 om eigedomsskatt til kommunane.

Vedtak om å skrive ut eigedomsskatt - jf § 2.

Lov av 17. juni 2005 nr 101 om eigedsregistrering (matrikkellova).

Vedtak om gebyr for kart- og delingsforretning – jf § 32.

## **KAP. 3 DELEGERING TIL FORMANNSKAPET.**

### **§ 3 - 1 Formannskapet si avgjerdsmynde i medhald av kommunelova.**

1. Formannskapet legg fram innstilling til økonomiplan, årsbudsjett og skattevedtak - jf § 8 nr. 3.
2. Kommunestyret delegerer til formannskapet å gjere vedtak i medhald av kommunelova § 13 nr. 1 (hasteparagrafen).
3. Formannskapet er fondsstyre for kommunalt næringsfond.  
Nærare reglar for fondsstyret si mynde gjeng fram av vedtektene for næringsfondet.

### **§ 3 - 2 Delegering til formannskapet i budsjettsaker**

Formannskapet sine fullmakter i budsjettsaker gjeng fram av gjeldandede økonomireglement.

### **§ 3 - 3 Delegering til formannskapet etter særlov**

*Lov av 27. juni 2008 nr 71. Plan og bygningslova.*

Formannskapet tek i vare kommunen sitt ansvar og delegerast mynde så langt lova tillet – jf kva for saker kommunestyret sjølv må gjera vedtak ('planutval' - jf eldre pbl).

Formannskapet ivaretek kommunens ansvar etter særlov som ikkje er lagt til anna organ og har mynde til å gjera vedtak så langt lov tillet. Dette gjeld mellom anna:

- Lov av 25.juni 2010 nr 45 om kommunal beredskapsplikt, sivile vernetiltak og Sivilforsvaret.

## **KAP. 4 DELEGERING TIL ADMINISTRASJONSUTVALET**

### **§ 4 - 1 Delegering til Kommunanes Sentralforbund**

Kommunanes Sentralforbund vert gjeven fullmakt til å inngå og seie opp tariffavtaler, samt gje og ta imot kollektiv arbeidsoppseiing på vegne av kommunen, jf kommunelova § 28.

### **§ 4 - 2 Delegering til administrasjonsutvalet i medhald av kommunelova**

Administrasjonsutvalet handsamar saker som gjeld tilhøvet mellom kommunen som arbeidsgjevar og dei tilsette (kl. § 25), – jf Hovudavtala del B § 4.

### **§ 4 - 3 Tilsetjing, løns- og arbeidsvilkår.**

Administrasjonsutvalet innstiller ved tilsetjing av rådmann.  
Arbeidsgjevar sine medlemmer av administrasjonsutvalet fastset rådmannens løns- og arbeidsvilkår, samt godkjenner lønsfastsetjing i kap 3 i Hovudtariffavtala.  
Rådmannen tingar løn for andre kommunalt tilsette etter nærare føringar frå administrasjonsutvalet.

## **KAP. 5 DELEGERING TIL OPPVEKSTUTVALET (OU)**

### **§ 5 - 1 Delegering til OU i medhald av kommunelova**

OU har fullmakt til å ta avgjerd i alle saker som gjeld utvalet sitt arbeids- og ansvarsområde, og som det etter nemnde lov er høve til å delegere til utval. Generelle føresegner og retningsliner som kan få verknad for fleire sektorar i kommunen eller saker som krev samordna handsaming, avgjerast av kommunestyret.

### **§ 5 - 2 Delegering til OU i budsjettsaker**

Utvalet sine fullmakter i budsjettsaker gjeng fram av det til ei kvar tid gjeldande økonomireglement.

### **§ 5 - 3 Delegering til utvalet medhald av særlov**

Lov av 17. juli 1998 nr 61 om grunnskulen og den vidaregåande opplæring:

1. Utvalet forvaltar det politiske ansvaret for ordninga med fritt skuleval i kommunen.
2. Utvalet kan i særhøve føre elevar mellombels over til grannekrinsen etter at fråsegn frå heimen er innhenta, jf § 8-1.
2. Utvalet nemner opp kommunen sin representant i samarbeidsutvali, jf § 11-1.

Lov av 17. juni 2005 nr 64 om barnehagar med føresegner:

OU godkjenner barnehagar, jf § 10 i lova.

Lov av 4. juli 2003 nr 80 om introduksjonsordning og norskopplæring for nykomne innvandrarak

OU tek i vare kommunen sine oppgåver etter §§ 17 - 19 om innvandrarak sin rett og plikt til opplæring i norsk og samfunnskunnskap.

### **§ 5 - 4 Delegering til samarbeidsutvali i medhald av særlov**

Lov av 17. juli 1998 nr 61 om grunnskulen og den vidaregåande opplæring:

Samarbeidsutval vedtek samansetting av skulemiljøutval jf § 11-1a, og ordensreglement for skulen etter reglar gjevne i § 2-9 og § 2-10.



## **KAP. 6 DELEGERING TIL HELSE- OG SOSIALUTVALET (HSU).**

### **§ 6 - 1 Delegering til Helse- og sosialutvalet medhald i av kommunelova**

Utvalet har fullmakt til å gjera vedtak i saker som gjeld utvalet sitt arbeids- og ansvarsområde, og som det etter nemnde lov er høve til å delegere til utval. Generelle føresegner og retningsliner som kan få verknad for fleire sektorar i kommunen eller saker som krev samordna handsaming, avgjerast av kommunestyret.

### **§ 6 - 2 Delegering til Helse- og sosialutvalet i budsjettsaker**

Utvalet sine fullmakter i budsjettsaker gjeng fram av det til ei kvar tid gjeldande økonomireglement.

### **§ 6 - 3 Delegering til Helse- og sosialutvalet i medhald av særlov**

Lov av 24. juni 2011 nr 30. Helse- og omsorgstenestlova.

Utvalet fører tilsyn med at kommunen sitt ansvar i medhald av lova vert teke i vare.

Lov av 17. juli 1992 nr 100 om barnevernteneste.

Utvalet har på vegne av kommunestyret politisk ansvar for barnevernstenesta i kommunen.

Lov av 18. des 2009 nr 131 om sosiale tenestar i arbeids- og velferdsforvaltninga.

Utvalet tek i vare det ansvar kommunen har i medhald av lova.

Lov av 5. aug 1994 nr 55. Smittevernlova.

Utvalet tek seg av kommunen sine oppgaver i medhald av lova § 7-1.

Lov av 2. juni 1989 nr 27. Alkohollova.

Utvalet tek seg av dei oppgåver i medhald av lova som ikkje kommunestyret sjølv gjer vedtak i.

Dette femner om mynde til å godkjenne sals- og skjenkeløyve i medhald av § 1-7.

Lov av 9. mars 1973 nr 14 om vern mot tobakkskader m.v.

Utvalet ivaretek kommunen sitt ansvar i medhald av lova, jf forskrift om røyking på restaurantar og andre serveringsstader, internkontroll m.v.

Lov av 24. juni 2011 nr 29. Folkehelselova.

Utvalet tek seg av kommunen sine oppgaver i medhald av lova.

## **KAP. 7. DELEGERING TIL UTVIKLINGSUTVALET (UTU)**

### **§ 7 - 1 Delegering til Utviklingsutvalet i medhald av kommunelova**

Utvalet har fullmakt til å gjera vedtak i saker som gjeld utvalet sitt arbeids- og ansvarsområde, og som det etter nemnde lov er høve til å delegere til utval. Generelle føresegner og retningsliner som kan få verknad for fleire sektorar i kommunen eller saker som krev samordna handsaming, avgjerast av kommunestyret.

### **§ 7 - 2 Delegering til Utviklingsutvalet i budsjettsaker**

Utvalet sine fullmakter i budsjettsaker gjeng fram av det til ei kvar tid gjeldande økonomireglement.

### **§ 7 - 3 Delegering til Utviklingsutvalet i medhald av særlov**

Lov av 21. juni 1963 nr 23. Veglova.

Makta kommunen har som vegstyresmakt - jf § 9, 3. ledd vert delegera til utvalet.

Lov av 18. mai 1990 nr 11. Stadnamnlova.

UTU fastset namn og skrivemåte for kommunale gater, vegar, parkar, torg, bustadfelt, anlegg m.v. jf § 5, samt gjev uttale i medhald av § 6.

Lov av 13. mars 1981 nr 6 om vern mot forureining og om avfall.

Utvalet delegerast mynde til å ta i vare det ansvar og dei oppgåver kommunestyret har etter lova, og til å gjere enkeltvedtak etter lova eller etter føresegner gjevne i medhald av lova, jf §§ 81 og 83.

Lov av 14. juni 2002 nr 20 om brann og eksplosjonsvern.

Utvalet handsamar saker i medhald av lova.

Lov av 17. juni 2005 nr 101 om eigedomsregistrering (matrikkellova).

Utvalet handsamar saker i medhald av lova.

Forskrift av 11. des 1992 nr 1056, om fordeling av idrettens lut av overskotet til Norsk Tipping AS.

UTU prioriterar søknader om spelemiddeltilskot for idrettsanlegg.

Lov av 20. des 1985 nr 108 om folkebibliotek.

UTU tek i vare kommunen sine oppgåver etter lova.

Lov av 29. juni 2007 nr 89 om offentlege styresmakters ansvar for kulturverksemd:

UTU tek i vare kommunen sine oppgåver etter lova.

Lov av 28. nov 2003 nr 98. Konsesjonslova.

UTU tek stilling til søknader om konsesjon.

Forskrift av 12. aug 2003 nr 1479 om overføring av mynde til kommunen m.fl. etter konsesjonslova, jordlova, odelslova og skogbrukslova.

Mynda etter forskriften delegerast til UTU.

Lov av 28. juni 1957 nr 16 om friluftslivet.

UTU delegerast mynde som kommunen sitt friluftorgan, jf §§ 21 og 22.

Lov av 10. juni 1977 nr 82 om motorisert ferdsel i utmark.

UTU tek i vare kommunen sine oppgaver etter lova.

Lov av 12. mai 1995 nr 23 om jord (jordlova).

UTU tek i vare kommunen sine oppgaver etter lova.

Lov av 27. mai 2005 nr 31 om skogbruk.

UTU tek i vare kommunen sine oppgaver etter lova.

Lov av 15. mai 1992 nr 47 om laksefisk og innlandsfisk m.v.

UTU tek i vare kommunen sine oppgaver etter lova.

Lov av 13. juni 1997 nr 55 - Serveringslova.

UTU avgjer søknader om serveringsløyve, jf § 3.

Lov av 6. juni 1975 nr 29 om eideomsskatt til kommunane

UTU er kommunal klagenemnd etter lova (overskattetakstnemnd) – jf kap 6 i lova.

## **KAP. 8 DELEGERING TIL ANDRE NEMNDER.**

### **§ 8 - 1 Delegering til Valstyret**

Lov av 28. juni 2002 nr 57. Vallova.

Valstyret har fullmakt til å velje medlemmer og varamedlemmer, samt leiar og nestleiar i røystestyra.

### **§ 8 - 3 Delegering til Takstutvalet**

Takstutvalet fastset eideomsskatt for nye skatteobjekt i medhald av *lov av 6. juni 1975 nr 29 om eideomsskatt til kommunane*.

Takstutvalet har fullmakt til å avgjere pris på kommunal eideom ved sal og godkjenne pris på fast eideom når kommunen er kjøpar med atterhald om kommunestyret si godkjenning.

Leiar av takstutvalet eller annan representant takstutvalet peikar ut representarar kommunen i tingingar som gjeld kjøp og sal av fast eideom.

## **KAP. 9 DELEGERING TIL RÅDMANNEN.**

### **Generelt**

Rådmannen delegerast mynde til å gjere vedtak i enkeltsaker og driftssaker som ikkje er lagt til anna organ og som ikkje er prinsipielle, så langt lover og føresegner gjev høve til.

### **§ 9 - 1 Delegering til rådmannen i medhald av kommunelova § 23.**

Rådmannen innstiller for formannskapet, administrasjonsutvalet og hovudutval.

Rådmannen tilvisar godtgjersle for tapt arbeidsforteneste for kommunale folkevalde.

Rådmannen har fullmakt til å gjere vedtak i alle saker som det etter nemnde lov er høve til å delegere til rådmannen, millom anna:

3. Utleige av kommunale tenestebustader på vilkår fastsett av kommunestyret.
2. Fråfalle pant eller prioritet i mindre parsellar når det ikkje fører med seg tapsrisiko for kommunen.
3. Fordele stønad til politiske parti etter reglar fastsett av departementet.

### **§ 9 - 2 Delegering til rådmannen i budsjettsaker**

Rådmannen sine fullmakter i budsjettsaker gjeng fram av det til ei kvar tid gjeldande økonomireglement.

Rådmannen har tilvisingsfullmakt for alle budsjettkapittel.

Ordførar tilviser når rådmannen er ugild.

### **§ 9 - 3 Delegering til rådmannen innan formannskapet sitt ansvarsområde**

Lov av 20. mai 2005 nr 28. Straffelova

Fullmakt til å krevje påtale for straffbare handlingar delegerast til rådmannen.

Lov av 27. juni 2008 nr 71. Plan og bygningslova.

Rådmannen delegerast mynde til å gjere vedtak i medhald av lova i saker som ikkje er prinsipielle, og som det etter lova er høve til å delegere til administrasjonen.

#### **§ 9 - 4 Delegering til rådmannen innan administrasjonsutvalet sitt ansvarsområde.**

##### **Generelt**

Rådmannen delegerast den daglege personalforvaltning, og til å gjera vedtak i personalsaker - jf kommunelova § 24. 1.ledd.

Det skal vera eit partssamansett tilsetjingsutval i kommunen.

##### Delegering i medhald av kommunelova av 25. september 1992.

1. Rådmannen har fullmakt til å taka avgjerd i alle saker innan arbeidsområdet til administrasjonsutvalet der det etter nemnde lov er høve til å delegere og som ikkje er prinsipiell.
2. Rådmannen fastset og kan endre instruksar og stillingsomtalar for alle stillingar underlagt rådmannen si instruksjonsmynde.
3. Rådmannen fører tingingar på vegne av arbeidsgjevar i alle saker gjeldande tilhøvet til dei tilsette.  
Lønfastsetjing etter kap 3 i Hovudtariffavtala skal godkjennast av administrasjonsutvalet.
4. Rådmannen innvilgar permisjonar i tråd med gjeldande føresegner.
5. Rådmannen kan plassera om, sei opp og gje avskil i alle stillingar innanfor hovudavtala og arbeidsmiljølova sine rammer.
6. Rådmannen kan i personalsaker gje tilbod om etterløn i inntil 3 mnd. eller tilsvarande.

#### **§ 9 – 5 Delegering til rådmannen innan Oppvekstutvalet (OU) sitt ansvarsområde.**

Rådmannen kan gje løyve til utleige og utlån av skulebygg til andre føremål enn undervisning.

##### Lov av 17. juli 1998 nr 61 om grunnskulen og den vidaregåande opplæring:

Rådmannen delegerast mynde til å avgjere saker som ikkje er prinsipielle.  
Dette femner om godkjenning av søknadar om å få gå på annan skule enn nærskulen – jf ordninga med fritt skuleval.

##### Lov av 17. juni 2005 nr 64 om barnehagar med føresegner:

Rådmannen delegerast mynde til å avgjere saker som ikkje er prinsipielle.

##### Lov av 4. juli 2003 nr 80 om introduksjonsordning og norskopplæring for nykomne innvandrarak

Rådmannen delegerast mynde til å avgjere saker som ikkje er prinsipielle.

## § 9 – 6 Delegering til rådmannen innan helse- og sosialutvalet sitt ansvarsområde.

Lov av 18. des 2009 nr 131 om sosiale tenestar i arbeids- og velferdsforvaltninga.

Rådmannen har fullmakt til å tildele bustader til vanskelegstilte, jf § 15.

Rådmannen har fullmakt til å tildele fylgjande kommunale særtytingar når desse er tilgjengelege: stønad til tannbehandling, anna hjelpeverksemd som har til føremål å gje hjelp til heimar som er i ein vanskeleg situasjon samt dispensere frå reglane om eigenbetaling, i høve der det verkar urimeleg, eller gjev utilsikta verknader for brukaren eller behandlinga.

Lov av 24. juni 2011 nr 29. Folkehelselova.

Rådmannen delegerast dagleg ansvar for folkehelsearbeidet og til å gjera vedtak i medhald av lova så langt lova tillet.

Lov av 24. juni 2011 nr 30. Helse- og omsorgstenestelova.

Rådmannen delegerast dagleg ansvar for helse og omsorgstenestane i kommunen og til å gjera vedtak i medhald av lova så langt lova tillet.

Forskrift av 15. mars 1994 om parkering for forflytningshemma.

Rådmannen har fullmakt til å gjere vedtak i samsvar med forskrifta.

Lov av 5. aug 1994 nr 55 om smittevern.

Rådmannen peikar ut kven som til ei kvar tid er smittevernlege og som tek seg av kommunen sine oppgaver i medhald av lova § 7-2.

Lov av 2. juni 1989 nr 27. Alkohollova.

Rådmann har fullmakt til å:

1. Godkjenne søknadar om ambulerande skjenkeløyve i medhald av § 4-5 og søknad om skjenkeløyve for eit enkelt høve § 1-6, samt fastsette vilkår i medhald av § 4-3 og godkjenne skjenkestyrar til dette.
2. Gje løyve til utvida skjenketid i einskilde høve, jf § 4-4, 3.ledd.
3. Fastsetje det årlege gebyr for løyve til sal og skjenking av alkoholhaldig drykk i medhald av alkoholforskriften § 6-2.
4. Gje løyve til sal av alkoholhaldig drikk jf § 1-6 2.ledd, for eit einskild høve.
5. Gje utvida løyve til skjenking utanfor skjenkelokalet for eit einskild høve, jf § 4-2, 4.ledd.
6. Godkjenne ny løyvehavar ved utsalstad for alkoholhaldig drikk med høgst 4,7 volumprosent alkohol i løyveperioden, jf § 1-7c.
7. Godkjenne ny *løyvehavar*, skjenkestyrar og stedfortredar for same skjenkestad/*lokale* i løyveperioden, jf § 1-7c.

## **§ 9 – 7 Delegering til rådmannen innan Utviklingsutvalet sitt ansvarsområde.**

### Delegering i medhald av kommunelova.

Rådmannen har fullmakt til å:

1. Etter søknad gje tilskot til vedlikehald av private vegar på vilkår fastsett av kommunestyret.
2. Avgjere søknader om tilskot til nye drikkevassanlegg på vilkår fastsett av kommunestyret.
3. Avgjere søknader om tilskot til private kloakkanlegg på vilkår fastsett av kommunestyret.
4. Avgjere søknadar om tilskot til privat husbygging og restaurering på vilkår fastsett av kommunestyret.
5. Selje bustadtomter i kommunale bustadfelt samt feste bort og selje hyttetomter.
6. Ta avgjerd i saker som gjeld mellombels bruk av kommunal eigedom og grunn til utstillingsplass, parkeringsplass, hogging av ved, rydding m.v.

### Lov av 16. juni 1961 nr 15 om rettshøve mellom grannar.

Rådmannen har fullmakt til å opptre på vegne av kommunen i grannetilhøve.

### Lov av 21. juni 1963 nr 23. Veglova.

Mynda som vegstyresmakt etter § 9, 3. ledd delegerast rådmannen i saker som ikkje er prinsipielle.

### Lov av 18. juni 1965 nr 4. Vegtrafikklova med føresegner.

Fullmakt til å gjere vedtak etter § 7 om trafikkforbod m.m. vert delegera til rådmannen i saker som ikkje er prinsipielle.

Mynde som skiltmakt og mynde til å gje fråsegn i medhald av FOR 2005-10-07, nr 1219 om offentlege trafikkskilt , vert delegera til rådmannen.

Lov av 13. mars 1981 nr 6. Forureiningslova med føresegner.

Rådmannen vert med heimel i § 83 delegera mynde til å gjere enkeltvedtak i dei høve som er omhandla i §§ 22, 23, 24 og 26, 5. ledd.

Rådmannen kan etter søknad unnta eigedomar frå renovasjonsordninga – jf § 30, 2. ledd.

Mynda kommunen har til å gjere vedtak etter Forureiningsforskrifta (FOR 2004-06-01, nr 931) vert delegert rådmannen.

Lov av 17. juni 2005 nr 101 om eigedsregistrering (matrikkellova).

Rådmannen delegerast mynde til å gjere vedtak i medhald av lova i saker som ikkje er prinsipielle, og som det etter lova er høve til å delegere til administrasjonen.

Rådmannen eller den han gjev fullmakt, møter på vegne av kommunen ved kart og delingsforretningar.

Lov av 23. mai 1997 nr 31 om eigarseksjonar (eierseksjonsloven).

Rådmannen delegerast mynde til å gjere vedtak i medhald av lova.

Lov av 14. juni 2002 nr 20 om brann og eksplosjonsvern.

Mynda som kommunen har i medhald av lova vert delegera rådmannen i saker som ikkje er prinsipielle.

Lov av 10. juni 1977 nr 82 om motorisert ferdsel i utmark.

Fullmakt til å avgjere søknader om løyve til bruk av snoskuter i samsvar med vilkår fastsett av kommunestyret eller UTU delegerast rådmannen.

Fullmakt til å gjere vedtak i einskildhøve om anna bruk av motorkøyrety - jf § 6, delegerast rådmannen.

Lov av 28. nov 2003 nr 98 om konsesjon ved erverv av fast eigedom.

Kommunen si mynde i medhald av lova vert delegera til rådmannen i saker som ikkje er prinsipielle.

Lov av 12. mai 1995 nr 23 om jord (jordlova).

Kommunen si mynde i medhald av lova vert delegera til rådmannen i saker som ikkje er prinsipielle.



Lov av 27.mai 2005 nr 31 om skogbruk.

Kommunen si mynde som skogoppsyn til å gjere vedtak og innstille til fylkeskommunale og statlege organ, delegerast rådmannen i saker som ikkje er prinsipielle.

Lov av 15. mai 1992 nr 47 om laksefisk og innlandsfisk m.v.

Kommunen si mynde til å gjere vedtak i medhald av lova delegerast rådmannen i saker som ikkje er prinsipielle.

Forskrift av 4. juli 2003 nr 951 om gjødselvarer m.v. av organisk opphav.

Kommunen si mynde til å føre tilsyn og gjere vedtak i medhald av forskrifta delegerast rådmannen i saker som ikkje er prinsipielle.

Lov av 28. juni 1957 nr 16 om friluftslivet.

Kommunen si mynde i medhald av lova vert delegera til rådmannen i saker som ikkje er prinsipielle.

Forskrift av 12. aug 2003 nr 1479 om å overføre mynde til kommunen m.fl. etter konsesjonslova, jordlova, odelslova og skogbrukslova.

Rådmannen har fullmakt til å avgjere søknader etter § 1 i forskrifta som ikkje er prinsipielle.

Lov av 29. juni 2007 nr 89 om offentlege styresmaktens ansvar for kulturverksemd:

Rådmannen kan innvilge søknader om støtte til lag, foreiningar og anna kulturverksemd etter retningsliner gjeve av UTU.